



以登臨廬

筆記

丁巳九月

萬叟署檢

民國十一年十一月一號再版



此登臨慶筆記

定價大洋六角

著作人兼
發行
角城存
悔

印刷者
崇文書局

特約發行所
崇文書局
上海四馬路一五〇號

分發行所
崇文書局
廣州雙門底

序

小說非古所重也。世變大異。文之大者遠者。不能悅人目。操觚必乃果。所學羣趨於是途。昔人作小說。意出於鑒誡。詆者謂近。盲史。隋。傷。陰。近。且桑間濮上之詞。朝削簡而夕脛行焉。於是世。瘡。尙。著。瘡。衆。傳。世。瘡。短。而遺毒無窮。求其中差強人意者。僅筆記已矣。蓋筆記不能寓言爲也。言必有本小者。記文章。金石山川草木皆足資考訂。怡性情。大則一朝之屯太史不足徵者。佚聞遺事轉賴是知。二三焉。故昔人燼餘泣血之錄。爲世珍也。吾戚存悔居海上。有筆記之輯。介視嚴屬余序之。余少昏瞽。不能知存悔學所至。然其人精勤力學。必能跂余所謂大者遠者。以成其不朽之業。乃不得已亦從事於小說。蓋深爲存悔悲也。然存悔爲小說而知斤斤於筆記是已。異於凡儔。余知其蓋有以矯時俗之敝。欲以收拾人心。縱一時。

爲蜀之日。越之雪。而其久傳於後世。必無疑矣。若僅以資談助消光陰。快一日之目。又豈存悔意也。丙辰秋日朱年少饌。



此登臨廬筆記上卷

存悔編述

桐城方劍華先生。早年歷新疆十有餘年。曾入左文襄幕府。品端學粹。晚年精嫻內典。比來滬上。每一侍坐。若臨澄波。令人意遠。詢及文襄軼事。謂文襄得力。全在不言。而躬行即文。襄自負亦然。當其出師新疆。萬里荒漠。回轍之後。靡有孑遺。幾無可着手。首定計畫。則以屯田爲始基。而節節前進。絕不倡言屯田。謂如果形之奏牘。當時必起紛議。築室道謀。必無所成。方寸既定。祇在力行而已。因之復一城。克一地。先令兵士荷番開墾。俟其成熟。即棄而之他。摺集流亡。以承其後。於是歸者如市。不煩布告。文令而四野有起色焉。蓋坐享其成。宜樂从之衆也。劍老別。猶以此相勉。其後以治理無人。進行不力。荒廢半矣。

按從事遠征。必無千里裹糧之理。今或不然。古於邊事。儲積必謀根本之區。昔曹操使巢祗屯田許下。州郡取以爲法。所在倉廩皆滿。故操每征伐。無匱餉之憂。司馬懿用鄧艾之策。置淮北屯田。廣漕渠。其後東南有事。大軍廩至。資食有儲。彼魏晉之所以能濟大業。則以有許都淮南北之積粟。以供其空乏也。

傳青主論書法。關係於人品之說。有謂向於晉唐楷書。無所不臨。而不能肖。偶得子昂香光詩墨蹟。愛其圓轉流麗。臨不數過。遂亂真。此無他。如人學正人君子。只覺觚稜難近。降而與匪人遊。不覺日親日密。書宜甯拙毋巧。甯醜毋媚。寧支離毋輕滑。寧直率毋安排。學問不正。遂流軟美。一途心手不可欺也。此論直截痛快。要亦有所激而

云。

雍正文字之獄。維止室其一也。經人告訐。被戮者累累。事出東台之耕茶徐。固鉅族也。余曾詢之徐藥芬。問當日譏刺遺詩有存乎。曰無矣。問能記憶一二乎。曰不能。蓋散漣久矣。如亂朱。非正色。奪紫。竟何稱。咏牡丹也。清風不識字。何故亂翻書。咏風也。人多知之。頃閱霜紅龜集。有賤殺一題。其漫罵痛矣。而無訐之者。殆付刊晚出之故。詩云。賤殺柳顏厚。不知春屬誰。臨風弄新翠。倒影翳清池。意自能張緒。觀終不淡儀。快心須一劍。斫却看平夷。渭漁丈。贈我明萬歷年間陝西按察署班票一紙。皮紙而朱印。略有蟲蝕。而大致完好。渭丈計已三百三十年。閱世三更。滄桑轉瞬。而一紙無恙。寧勝悼嘆。珍之甚至。迭亂之後。求之衙署中。恐亦無有存矣。

文字粗俚。本不必錄。第以一朝規制所存。無異吉光。錄之以見其概。四週略有雲紋。上標班票二字。其下云。陝西等處提刑按察司。爲稽查吏承。以防奸弊事。照得本司吏承舊規。每年分爲兩次上班。雖置有卯簿查點。誠恐各役下班。及公差等項。藉此在家安閑。不行依期供役。殊非事體。爲此置票給本役收執。今二月班滿回家。遵照輪該本年捌月上班。依限赴銷。不許托故遷延。如違查出。以曠役究革不貸。須至票者。右票仰吏王進善准此。萬歷十四年二月卅日給。司行。

元世祖至元二十七年。史稱六月間。繕寫金字藏經。凡糜金三千二百四十四兩。可見所費之鉅。此等金經。不知流落何所。亦國粹也。

正月逢閏。馬憲歷未之見。元史世祖至元五年。成宗大德十年。仁宗延祐四年。俱閏正月。近朱彞郎先生所刊山中白雲詞。爲西秦玉田生張炎叔著。有閏元宵詞云。向人圓月轉分明。簫鼓又逢迎。風吹不老蛾兒鬧。繞玉梅猶戀香心。報道依然放夜。何欸曲行春。錦燈重見麗繁星。水影動顰雲。今朝準擬花朝醉。奈今宵。別是光陰。簾底聽人笑語。莫教遲了。青。

王碧山天放。又號中仙。越人也。能文工詞。琢語峭拔。有白意志雅雜鈔。辛卯十二月初夜。天放降仙。江甯王大圭家。問中仙今日何在。云在冥司。有滯未化。有詩云。天上人間止寸心。煙花雨意抑何深。十年尙有梢頭恨。燕子麼空斷素琴。又詩云。繡閣珠簾半未殘。中年何事早拘攣。春風詞筆時塵暗。手拂冰絃昨夢寒。以其伊鬱善思。故錄之。

新疆伊犁左近。當天山南路。有最稱膏腴者。每種一石。可獲四十倍而有餘。此說世人固未必信也。方劍老在新疆時。見之乾嘉年間奏牘。當時亦以爲張辭。詢之久。於是地者曰。地卽膏腴。所產未必能若是豐。縱如其說。亦應稍留餘地。何以竟如數以報。設遇凶歲。或他故。將何以爲繼。其人曰。先生誤矣。所留餘地。已倍有半。其實能收百石。報四十者。正爲此也。劍老錯謬。不敢置一辭。以道路梗塞。轉運不便。當地土民。又不視爲重要食品。久且罷墾。半成荒漠。劍老謂若以全國交通論。似以此路爲最急。其說亦至有理。

游金陵者。羣知莫愁之勝。以鍾阜石城。橫亘於前。江外諸峯。遙相映帶。荷亭消暑。柳浪迎風。攬勝者嘆觀止焉。不

知府治東南三十五里之祈澤池。境地絕幽。超然於塵表之外。游蹤罕至也。山高五十丈。周四十里。萬山重疊。古木森森。曲徑繚繞。岩洞深邃。夏日避暑。其中得未曾有。宋時有法師曾結庵於此。講法華經。有龍女來聽。師曰。龍開一泉乎。後數日。果有清泉湧於庵南。今仍龍池之名。祈雨頗驗。以地僻到者希。

粵匪之役。李文忠克復蘇州。降八王而殺之。爲後人嘗議之一端。即外人戈登亦頗生齟齬。其實有出於不得已者。圍蘇勁軍止萬人。程學啓實專軍政。以其饒勇足當一面也。殺降本非文忠意。主者程耳。因衆寡懸殊。懼不敵。是時八王擁有十五萬之衆。約中允降後。仍許隨帶三萬主客之勢。既不相若。饋餉不繼。必生譁變。日夕可危。某晨舉酒相勞。置八紅色頂冠於桌。使八王進而謝恩。文忠詭言有八百里上諭至。須歸營親拆。程與周旋。暗令一勁伏兵起。乃一一執而戮之。當曾文正得文忠第一次報降信。方繞屋搓手。知必不可御。得二次信。乃狂喜曰。畢竟少荃能了事。蓋亦深以養虎之足遺害。惟戈登拂然以中人無信。當招降時。證以不殺者有戈登也。

又聞克復蘇城時。同時進城者有丁雨生中丞。進意須搜何物以獻。文忠謂他件不必。如有書籍。不妨取數簞來。丁得令遍搜無遺。凡宋元精槧。影抄孤本。皆爲己有。獻之文忠者。三四等值耳。蘇爲江南大城。收藏之富。可想。宜丁之書籍。一時爲海內冠。在上者一言之不可不慎如此。

甲午中東一役。爲中國存亡之關鍵。此中歷史。今已大明。而亦文忠一身最不幸之時代。幾於世人皆欲殺矣。雖生厲階。孰執其咎。固自有人在。茲得文忠當時手諭。旅順諸將書。亦真相之一。兩錄以供世之留心是事者。其函

曰。諸位統領如面。連接稟函。及探信。懸念之至。鎮東送。去糧彈等項。計勻分接濟。足以多支兩旬。宋宮保已由復州進隊。旨又飭唐仁廉六營。章高元八營。由營口繼進。不日會合銘軍。分道進援。倭人前後被我夾擊。定行退縮。望諸弟堅忍苦守。相機出奇雕剿。古云同舟遇風。胡越一心。況皆我淮部子弟。親若同胞耶。傳言黃提督與張鎮口角對毆。趙鎮與衛鎮亦有爭毆之事。此何時勢。尙鬧閑氣。尙望其同心禦敵。趙懷業久駐灣防。既不出隊。與徐見隆力戰。又不能爲一日之守。任令營官紛紛逃遁。勇丁下鄉擄掠。毫無紀律。實屬喪盡天良。應將所部懷軍全交姜翰卿統領。節制整頓。其不法弁勇。立即擒拿梟示。以防內亂。衛鎮聞亦怯懦無能。豈欲蹈汝兄覆轍。姜翰卿驍勇夙著。調度有方。旅防各軍。應均歸其總統。其不遵號令者。准其撤換懲辦。黃松素頗自命。今日臨敵。究竟何如。總之旅爲要地。朝廷視爲關係重大。如弟能死守勿失。必膺五等之封。若任其失陷。只有蹈海而死。何不拚命持久。爲淮人振起聲名。兄必督飭劉道盛道隨時設法。運濟米糧。槍炮彈勿空放。須省嗇用之。各營應懸重賞。俾共効命。如現銀不足。卽給印票爲憑。吾當飭照票給銀。此時行文不便。卽以此信爲憑。祈諸弟共體此意。此信各營傳觀遵辦。順問捷禧。鴻章手啓。十月廿二日。

余既去崇川。與甫生分袂。而又深悔成行之速。不能作數日談。甫生則謂既去則不必悔。正好留。有餘不盡之情。長相憶也。謂之亦有理。偶檢范伯子詩有云。庚辰辛巳之間。里中友朋之樂最盛。百里之人。恆聚於一。又云勿庵與友相愛。既深。乃至相挈相怨。延卿之去廣東。余具舟送之。過辭勿庵。無一言而別。既行二十餘里。苦不能釋。復

回舟就焉。惟出意外。連宵達旦。成詩甚多。由此可見前輩交誼之篤。非所及也。余則並數日而不能留。爲憾又當何如其詩中警句。如別恨乍如雲亂起。人才故與月同清。又如無多佳日春秋在。可愧江流日夜東。又如纔喜交親連日長。君看故舊每年稀。又如人生知己無哀怨。百事縱橫皆此餘。雋永有味。皆可傳誦之作。

檢點舊篋。友朋投贈之什。擇尤雅者著於篇。爲鳴求友時一諷誦。欣若覆面。春鳥飛飛。春草新。春山不語春風鳴。江樓人倚江天望。江雨餘虹。江日晴天涯。地角兩茫茫。勞燕分飛道不迷。客歲今宵今歲語。踐茲心思。俟何時此二章爲顧子時輔寄自崇川。匆匆折簡附飛鴻。漫羨湖山在望中。雨濕曉春遊不得。晝長枉却柳絲風。怕聽驪駒跨敵驢。愛游徒負五車書。不如歸隱山中月。自關荒榛結小廬。蓬蒿滿眼。日初斜。衰草寒天啄暮鴉。領壁不堪收拾。盡乞兒忒戀帝王家。城西水月夜。騰潮萬頃閑愁未肯消。試話英雄兒女事。六朝猶覺勝今朝。位躋王侯解戰袍。嬌兒鈍却雁翎刀。平湖畫檻論今古。往事都如驚卷濤。人緣山水移萍梗。更惜年華負發游。夾道垂楊春雨急。巾車滿載客中愁。大漠風雲染血腥。山林芳草尚青青。少年冷落行藏事。清磬悲笳早夜聽。勝地登臨策馬回。忘憂應得一樽開。不妨千古都如醉。莫累湖山又却灰。此八章爲姚子默傑寄自拼茶。默傑性孤特。落落與人寡合。而獨與余善。故其爲詩。亦至冷靜。感慨遙深。曾向元都觀裏栽。劉郎未去碧桃開。看花使者多情甚。不許東風入夜催。非關永好漫投瓜。碧玉何曾是小家。他日道逢諸姊妹。封侯夫婿待儂誇。圍爐煙暖視冰涼。室有蘭薰鏡有香。最是酒闌人意懶。笑他慣學睡稽康。衣香人影能梳粧。綠怨紅腔春夢場。一曲采菱歌未了。更無人似汝南王。

歌聲切切近更殘。調急應憐玉指寒。剛到曲終人不見。含情似解別離難。居然物色到風塵。地北天南路幾程。草綠王孫歸不得。任憑杜宇一聲聲。也曾傲世釣滄浪。何事文場又戰場。况復花叢添恨事。一回顧曲一神傷。自分輕狂似釣翁。倚欄高唱大江東。春來多少關心事。盡在拈花一笑中。此八章爲陶子少棠寄自都門。少棠余表兄。有奇氣。投筆從戎。漫遊遼瀋。慨乎世局。放浪詩酒。前六首和慕蘭生。以原詩爲寄情之作。故和辭近諶。後二首則以之自況者。懶向長安策敝驢。且搜舊篋讀吾書。風風雨雨連朝夕。四壁蕭條一草廬。豪情未減年猶少。新月初升掛樹梢。剪燭論心曾記否。燕南雁北各新巢。不盡長江萬斛愁。興亡已事黯然銷。坐中獨有傷心者。撫古如今說六朝。曙後晨星寥落甚。拂衣每欲五湖游。我重君愁君重我。解愁愁裏益增愁。從何傾水洗羶腥。百卉春深仍自青。最是月明人靜後。一聲殘柝一同聽。心史應編第幾回。沉淵藏谷待誰開。須知勢已成騎虎。却後頭顱等却灰。感懷用默傑韻。並以束諸子。

鳥以慈著稱。而亦有貪者。殆猶人之稟賦不同歟。允卿言其衙前老樹。諸鳥分巢其上。有二鳥結巢久未成。徐覘之。二鳥啣木歸。構巢形。旋偕飛去。有鄰巢鳥伺其出。取其木置己巢。以故鄰巢日益堅大。而二鳥之巢日久無功。一日二鳥似覺。乃一守之一飛出。此守彼出。此出彼守。不日巢成。夫人情貪詐。以天理亡而人欲熾。知有己不知有人。豈鳥之性亦猶是邪。

輓語藉辭。以得體爲難。馮蒿庵丈輓止潛云。緒論動經年。京洛停雲。與我相過會對字。浮生能幾日。皖江舊雨。箋

公未已又臘。查輓梅村丈云。化鶴竟安歸。陳迹忍澆京口酒。啼鳥猶未返。大松淒咽。廣陵濤。其時丈住京口。而則民世兄在楚也。余亦輓曰。春日渡江關。看金焦兩點。載酒重承長者賜。秋風驚鶴馭。正吳楚三千奔星獨爲我。公悲又晉友張古愚丁外艱。以訃告古愚。同門四年。而其尊人則從未一面。甚難落筆。余輓之曰。以跡阻承教未能。太公竟遣山歸去。三晉白雲二分明月。覺今夕滿目淒涼。瞬馳千里。展訃音淚痕猶濕。孝子之哀思如聞。四年劬學百日承歡。願及時植身建樹。告慰九泉。

季大來綺里。泰州安豐場人。明季勵首陽之節者。篤於孝友。曾有楹聯。仁人長厚之言也。人人宜書一通於屏右。一父母同生四子看這等兄弟。至真至切。諸兒孫無歧半念。說甚麼家產可少可多。又項城上李文忠祠堂聯云。受知早歲。代將中年一生低首拜汾陽。敢謝臨淮壁壘。世變方殷。斯人不作。萬古大名配諸葛。常留丞相祠堂。詩鐘向與周調之昆仲。酬唱最盛。撮積成帙。兩次播遷。全歸散失。石秋忽郵示近作數則。興致正復不淺。『世秋』七唱。醉生夢死人間。世衰草斜陽。塞外秋『楚明』二唱。淒楚可憐。花怯雨。光明無礙。月當天。『如且』二唱。花如解語。當憐我竹。且虛心況在人。『主詞』六唱。十里飛花無主宰。二分明月屬詞人。『修代』五唱。閑坐松風修寶錄。渴餐荷露代瓊漿。『三片』六唱。酒邀明月浮三白。衣礙殘花落片紅。

唐宋本有所謂坊妓。營妓。挾以侑酒。不足怪也。新官到任。先迎者大都歌妓。見於宋稗類抄。及各家私集。所在皆是。今日則在禁例。以東坡之風流蘊藉。而不害其賢。日中有妓。心中無妓。殆亦存乎其人。當其鎮錢唐日。無日不

在西湖。嘗携妓謁大通禪師。大通慍於色。東坡作長短句令妓歌之。其詞絕妙。設近之作官者。携妓而流連於廟寺。不亦怪誕之至乎。詞云。師唱誰家曲。宗風嗣阿誰。借君拍板與門槌。我也逢場作戲。莫相疑。溪女方偷眼。山僧莫皺眉。卻愁彌勒下生遲。不見老婆三五時。大通爲西湖淨慈寺僧。

明季有申甫者。雲南人。爲童子時。嘗係鼠髮於途。有道人過。敎甫爲戲。而拾道旁瓦石。四布於地。投鼠其中。鼠數奔突。不能出。已而誘貓至。欲取鼠。亦不能入。道人曰。此八陣圖。申後爲浮屠。往來河南山東。入嵩山。復遇道人。與以書一卷。啓視皆古兵法。車戰甚具。客劉翁所。翁故大俠。言兵者莫能逾。思宗卽位。北兵自大安口入。薄京師。事急。金聲言甫於朝。立爲京營副總兵。倉卒募兵。皆市中簍人子。不知戰陳。而甫則長於用車。當時權貴不知兵。又因劉金左滿桂敗。京師大震。促甫出。不得已縋城出。至蘆溝橋。竄亡略盡。甫中飛矢數十。見殺。申所遇之道。殆古之人也。生今之世。而事。事求合乎古。未有見其可者。

京師古物陳列所。遊覽者以禁止鈔錄故。見之筆記遂不多。且珍品繁博。亦記不勝記。武英殿上有周代之銅鼓。雖因酸化而起綠霉。然古色爛然。叩之鏗然。知爲數千年古物無疑。磁器則以景泰及乾隆時代爲多。

左側浴德殿亦開放。可任縱覽。內以白色煉瓦造成。人聲回應。劃然有聲。此殿之成。頗有歷史。當乾隆盛時。征服回部。虜獲回王美女一。高宗納之後宮。而居其父母於宮外。今順治門外南關市口。有所謂回子營者。卽當日回王居邸也。回女入宮。大爲高宗愛幸。思念父母。欲歸不得。高宗乃於南海之濱。建望家樓。以慰其意。今公府新華。

門卽其遺址。浴德殿爲高宗賜回妃沐浴之所。其建築規摹。蓋倣歐西意大利形式。則當時高宗命意人經營之者。法人曾著書艷傳其事。曰本小村長城亦曾著一文。登之新支那報。

小站練兵。爲項城生平最得意時代。而亦兆跡之始基。至小站歷史。則知之者鮮。偶見藝叢集。有此記略焉。

小站者。合肥周武壯公津南屯田之所也。旣成則易名爲新農鎮。今仍以小站稱。俗從舊也。其地原隰。畦畛高下相接。河水縈帶。微風始波。新禾擢。遠近一碧。堤岸雜植榆柳。綠陰扶疏。中秧歌四起。如置身江南。村郭間。始於同治十三年。盛軍於茲。沽澹引河一。達於新城之河。光緒元年。又於鹹水沽澹引河一。亦達於新城之外河。分注各溝。皆置石閘。十二年九月。接澹鹹水沽引河。逕南而西。五年。又於新城鹹水沽。各置石閘。以潄鹹引甘。變斥鹵爲沃壤。農具維備。風車軋車之屬。則以新意運之。其收穫在同治三年。僅六千餘石。至光緒五年。遞增至十二萬石。有奇。田肥美。宜稻。畝收三四石。米潔白香美。勝於南中。其時墾至十萬畝而止。以人力不足也。畿輔水利。自元明逮清。屢作屢輟。武壯來自田間。殫心竭力。宜其有志竟成。而北方不宜插禾之說。非篤論矣。惟以客軍治田。不常厥居。時慮中輟耳。人第知項城著聲小站。木本水源。武壯實爲之先導。

蒨生以朝鮮官監吟長。謫見示。悲感蒼涼。不忍卒讀。嗟乎。毋使後人復哀後人也。爰錄於此。

小廬一角秋江雨。遺老吞聲哭且數。我是漢城宮裏人。淒涼閱盡興亡苦。苦憶靑崖涕淚潛。南唐一闋念家山。兩朝舊事向誰訴。萬里孤臣有夢還。憶昔入宮年。正少泰階四平景星耀。驢背常隨聖駕遊。貂冠時近矢顏笑。君王

(哲宗)晚歲善琵琶。檀槽哀思勝。笳弭將胡地。三邊曲落盡。西宮一夜花。有時含憤裂絃起。痛說前朝興亡史。顧謂老臣汝念哉。世間萬事只如此。卽今昌德宮煙繞。等是銅駝洛陽道。難免金仙辭漢闕。會看玉殿埋秋草。君王言罷淚浪浪。撥動絃絃南內涼。及今一。成識語。字字思來總斷腸。腸斷鼎湖去國年。六龍哭送萬人喧。茂陵甲帳綠松鼠。碧殿金棺啼杜鵑。於時昌邑迎東北。(光武繼統)主父西來稱監國。(大院君攝政)國事可憐日漸非。東海巨浪排空飛。東海有國如虎熊。雄心常欲吞諸姬。鈎黨方爭留漢鼎。和戎已誤進胡兒。大鳥方去井上來。(兩人均日使)使臣統監總堪哀。朕命不。何日盡國魂。欲斷幾回催。偏有椒房忘折。輓(閔后擅權)外家權勢傾宮掖。遂使長秋宮月明。冷照血花千年碧。金門八月夜三更。千乘倭兒鐵騎鳴。寢殿刀光明。玉儿錦屏血色暗。珠燈傷心莫說宮中劫。皇后殉難皇子執。最是天家雲錦裳。拋殘黃土馬蹄踏。不堪再過西苑路。長門寂寞鎖煙樹。惟有金籠鸚鵡鳴聲聲。皇后呼如故。從此宮嬪半零落。老奴遂亦出黃閣。痛哭常因感舊恩。漂流何意營新幕。緇衣披髮走江關。漢家宮闕怕回看。已說螭頭撞玉璽。又傳龍袞易南冠。一千九百十年秋。(是年韓亡)漢江帶血向西流。野哭千家盡蹈海。國殤五百爭斷頭。悲來輒至先皇陵。整日長號淚不止。昨夜夢中見先皇。龍顏悽惻淚萬行。殷勤苦向老奴道。擅君子孫未。天亡嗚呼國民聽。聖主亡。案尙有三戶楚。何不再奮博浪椎。未必副車仍誤汝。

左文襄氣概。恂恂似儒者。並無凌人之威嚴也。喜談諧。議論饒有風趣。其生平第一得意事。則爲受知於林文忠。

每樂道之。可知其所蘊蓄。及賢者鑑人之明。均不可及焉。

文襄未遇時。陶文毅聘爲西席。一日文忠道出長沙。赴粵也。抵岸時。一切印官未之見。遣二弁專請文襄談天。蓋甚雨不能成行。文襄正出市購物。一手擎葦。一手提各件包裹。累累若貫珠。其時二弁奉命迫逼。覓不得。幾執途入而問。一時閤動。適文襄質貿然來。路旁人指而告之。二弁陳明所以。立即邀文襄至舟次。購件則寄之某肆。而雨益甚。文襄方行跳板上。板長而釘滑。行至中途。偶一不慎。失足落水。幾從屈大夫遊。幸水淺無恙。然已淋漓盡致矣。文忠知其至。倒屣相迎。已宛在水中。左右大受嚴譴。立從水中援之起。至艙後易濕衣。文襄略不介意。猶自豪曰。此殆三薰三沐之兆。相與大笑。煮酒暢談。論天下事。情意極浹。頻行文忠珍重曰。吾老矣。此後天下事。舍子莫任。文襄求書一聯曰。此行匆匆已不及。至常德書成。即專人賫至。聯語亦尋常。即此地有崇山峻嶺。茂林修竹。是人讀三墳五典。八索九邱。自云此聯珍藏倍至。每年必懸數日於廳事。以有知己之感也。

寶應劉樸生先生。早歲客東諸侯十數年。光緒中葉以後。棄晉江淮之賑。無役不與。後兩游歐美。簡授湘臬。卒遭辛亥之變。遂一意內典。不與時事。然捍災救患之念不少衰。甲辰之春。往賑邵宿。余送其成行。兩人費錢八十。飽嚼荒飯而去。其一身清節可知。生平事實。累紙不能盡。最後猶有一函託余向澄園居停爲鄉里乞賑。竟以滄桑之變。百感紛集。今歲三月。逝於里第。傷哉。後此江淮哀鴻。更誰爲援手也。他不具錄。茲錄其最後乞賑一書。違侍五日。現料量里賑。略有緒。惟但先查款一無著。以宿災未敢久淹。明早北行。上元節可至臺灣。二十間當可道徐。

赴宿。茲有所祈請者。寶應湖西災甚重。不減邳_邳鄉人士聞此次風誼薄雲。爲近今所未。謂鍾琳荷酌_酌之笠。屬爲里災一言。義不獲辭。又以奔走徐皖。不克爲鄉里盡義務。現里人謀春賑。分任募捐。無可_{無可}。不得不效呼籲於長者。乞酌量施濟。雖極少數。亦深戴德。另附上災情一紙。詳狀乞式兄代陳。俟到宿後。更當報告。

訃告四方。聞之無不泣下。以聯輓者百數。余所知僅數聯。馮嵩丈輓云。竟天_{竟天}。爲善奚勸。幼罹世難。雖歿猶甯。曹東寅先生輓云。五年苦行託逃禪。醉夢世間。不如速化。一死甘心知殉道。橫流滄海。乃有斯人。魏梅孫丈輓云。一腔熱血。不知酒向何處。升天成佛。還須乘願而來。紹伊兄輓云。一意孤行。慧眼真能知究竟。百端交集。此心久已怨吾生。方劍老輓云。知君陽羨無田。久病惟應煩季子。與我匡廬有約。畢生猶願見遺民。余輓云。在古方禹稷。環顧瘡痍。百萬哀鴻同胞與。於今見夷齊。甯_甯首陽。完全心事報平生。

新疆迪化在乾隆時。曾有二城。一滿一漢也。及毀於兵。一片瓦礫矣。後則廢滿城而就漢城與築。滿城之基宛然可見。於是凡有所興。領_領之屬。均取結於滿城。數十年不竭。可知當時物力富厚。滿城之殷填矣。

大凡一家昌盛之原因。必非無故而然。觀於合肥李氏可信也。累世孝友。不敢失墜。宜其鼎貴一時。按李本許姓。始祖名迎溪。與同莊李心莊姻戚而相得。心莊無子。而迎溪先生以次子慎爲所後。遂襲姓李。舍其子爲人後。尙可見古風敦厚之至。其後七葉皆力田習武。至愚荃先生始以甲科奮起。遂爲望族矣。故與許姓不聯婚。猶之海甯陳氏。不與高氏結婚也。至許氏老祠。尙兩家合祀。迎溪前六世有名伯乾者。明中葉進士第一。學道成仙。今尙